

20260307 華嚴經卷四十四、十忍品第二十九

開經偈；無上甚深微妙法 百千萬劫難遭遇 我今見聞得受持 願解如來真實義

「忍，謂忍解印可，即智照關達。」忍就是印可，安住的意思，安忍諸佛之智。

有了定力，才有神通。要想有神通，必須要忍。能忍才有定力。這是連鎖作用，如鼎三足，缺一不立。

忍字是從心從刃，在心上有一把刀刃。好像心被刀割那樣的痛，但又要忍受，不可發脾氣。心痛是不容易忍受，可是不能忍也要忍，所謂「忍人所不能忍」。人在沒有遇到境界的時候，自己認為我能忍，忍也能忍，讓也能讓。可是境界來了，就不認識了。忍也不能忍，讓也不能讓，就向無明路上跑，越跑離真理越遠，因此智慧就不會現前。

十種忍即寂滅忍

P204 爾時普賢菩薩告諸菩薩言。佛子。菩薩摩訶薩有十種忍。若得此忍，則得到於一切菩薩無礙忍地。一切佛法無礙無盡。何者為十。所謂音聲忍。順忍。無生法忍。如幻忍。如燄忍。如夢忍。如響忍。如影忍。如化忍。如空忍。此十種忍。三世諸佛已說今說當說。

十忍，雖然說有十種名詞，其實只有一個忍，叫寂滅忍。前面三忍是法，後面七忍是以譬喻來形容忍。十忍加起來，就是佛的寂滅忍境界。

第一 音聲忍

P205 佛子。云何為菩薩摩訶薩音聲忍。謂聞諸佛所說之法。不驚不怖不畏。深信悟解。愛樂趣向。專心憶念。修習安住。是名菩薩摩訶薩第一音聲忍。

音聲忍；就是對所有的佛所說法，能夠專心憶念，修習安住，安忍於心，把心安住在佛法當中。就是菩薩所修第一種忍的法門，叫音聲忍。

第二 順忍

P206 佛子。云何為菩薩摩訶薩順忍。謂於諸法，思惟觀察。平等無違。隨順了知。令心清淨。正住修習。趣入成就。是名菩薩摩訶薩第二順忍。

順忍，心順著佛理而行，順著所聽聞的佛法，無縫接軌的依法而行。我們現在還坐步道當下起行，為什麼？因為佛法需要依解起行，如果連理解佛法都有困難時，如何依解起行？

有人說：「我對佛法是一知半解，似懂非懂。」一知半解是沒有辦法起行的，有人說；

「佛法的甚深道理實在太玄奧了，很難理解。」其實佛法一點都不玄，只是弘法者沒有使用

適當的語言表達讓聽聞者明白，無法依理而行，便是不順，因為無法隨順真理而行，在生活當中就用不上功，佛法就沒有辦法在生活中起作用。

要了解佛法，首先要安住在佛理當中，若能夠如理思維，才能夠依理而行。菩薩道這個階段，「於諸法，思惟觀察。平等無違。」就能夠真正的運用佛法。佛法很好用，如果能夠好好運用，就是「隨順了知。令心清淨。正住修習。趣入成就。」這是菩薩第二種順忍。

第三 無生法忍

P206 佛子。云何為菩薩摩訶薩無生法忍。佛子。此菩薩摩訶薩不見有少法生。亦不見有少法滅。何以故。若無生則無滅。若無滅則無盡。若無盡則離垢。若離垢則無差別。若無差別則無處所。若無處所則寂靜。若寂靜則離欲。若離欲則無作。若無作則無願。若無願則無住。若無住則無去無來。是名菩薩摩訶薩第三無生法忍。

前面的二忍是無生法忍的前行，依前二忍契入無生法忍，不生不滅的究竟之法。因此不見有少法生，也不見有少法滅。不生不滅的境界，即是諸法實相。

音聲忍、順忍加上無生法忍就是寂滅現前，寂滅忍。

七喻忍: 如幻。如燄。如夢。如響。如影。如化。如空。都是在形容寂滅忍的境界的不可思議。

十忍位:等覺後心

等覺菩薩修到十忍之境，即將功德圓滿，其位次等於等覺後心，在最後一個階段，大功告成的前一剎那就是十忍的境界，經過十忍這一品就要證得妙覺佛果。

第四 如幻忍

P207 佛子。云何為菩薩摩訶薩如幻忍。佛子。此菩薩摩訶薩知一切法皆悉如幻。從因緣起。於一法中解多法。於多法中解一法。

此菩薩知諸法如幻已。了達國土。了達眾生。了達法界。了達世間平等。了達佛出現平等。了達三世平等。成就種種神通變化。

P208 譬如幻。非象非馬。非車非步。非男非女。非童男非童女。非樹非葉。非華非果。非地非水。非火非風。非晝非夜。非日非月。非半月非一月。非一年非百年。非一劫非多劫。非定非亂。非純非雜。非一非異。非廣非狹。非多非少。非量非無量。非麤非細。非是一切種種眾物。種種非幻。幻非種種。然由幻故。示現種種差別之事。

P208 菩薩摩訶薩亦復如是。觀一切世間如幻。所謂業世間。煩惱世間。國土世間。法世間。

時世間。趣世間。成世間。壞世間。運動世間。造作世間。

P209 菩薩摩訶薩觀一切世間如幻時。不見眾生生。不見眾生滅。不見國土生。不見國土滅。不見諸法生。不見諸法滅。不見過去可分別。不見未來有起作。不見現在一念住。不觀察菩提。不分別菩提。不見佛出現。不見佛涅槃。不見住大願。不見入正住。不出平等性。

P210 是菩薩雖成就佛國土，知國土無差別。雖成就眾生界，知眾生無差別。雖普觀法界，而安住法性，寂然不動。雖達三世平等，而不違分別三世法。雖成就蘊處，而永斷所依。雖度脫眾生，而了知法界平等，無種種差別。雖知一切法遠離文字，不可言說，而常說法，辯才無盡。雖不取著化眾生事，而不捨大悲，為度一切，轉於法輪。雖為開示過去因緣，而知因緣性無有動轉。是名菩薩摩訶薩第四如幻忍。

第五 如燄忍

P211 佛子。云何為菩薩摩訶薩如燄忍。佛子。此菩薩摩訶薩知一切世間同於陽燄。譬如陽燄。無有方所。非內非外。非有非無。非斷非常。非一色。非種種色。亦非無色。但隨世間言說顯示。菩薩如是如實觀察。了知諸法。現證一切。令得圓滿。

是名菩薩摩訶薩第五如燄忍。

第六 如夢忍

P211 佛子。云何為菩薩摩訶薩如夢忍。佛子。此菩薩摩訶薩知一切世間如夢。譬如夢。非世間。非離世間。非欲界。非色界。非無色界。非生非沒。非染非淨。而有示現。

菩薩摩訶薩亦復如是。知一切世間悉同於夢。無有變異故。如夢自性故。如夢執著故。如夢性離故。如夢本性故。如夢所現故。如夢無差別故。如夢想分別故。如夢覺時故。

是名菩薩摩訶薩第六如夢忍。

第七 如響忍

P212 佛子。云何為菩薩摩訶薩如響忍。佛子。此菩薩摩訶薩聞佛說法。觀諸法性。修學成就。到於彼岸。知一切音聲，悉同於響。無來無去，如是示現。

佛子此菩薩摩訶薩觀如來聲。不從內出不從外出。亦不從於內外而出。雖了此聲非內非外非內外出，而能示現善巧名句，成就演說。

P213 譬如谷響，從緣所起。而與法性無有相違。令諸眾生，隨類各解，而得修學。如帝釋夫人。阿脩羅女，名曰舍支。於一音中，出千種音。亦不心念，令如是出。菩薩摩訶薩亦復如是。入無分別界，成就善巧隨類之音。於無邊世界中，恒轉法輪。

此菩薩善能觀察一切眾生。以廣長舌相，而為演說。其聲無礙，徧十方土。令隨所宜，聞法各異。雖知聲無起，而普現音聲。雖知無所說，而廣說諸法。妙音平等，隨類各解。悉以智慧而能了達。是名菩薩摩訶薩第七如響忍。

第八 如影忍

P214 佛子。云何為菩薩摩訶薩如影忍。佛子。此菩薩摩訶薩。非於世間生，非於世間沒。非在世間內，非在世間外。非行於世間，非不行世間。非同於世間，非異於世間。非往於世間，非不往世間。非住於世間，非不住世間。非是世間，非出世間。

P215 非修菩薩行，非捨於大願。非實，非不實。雖常行一切佛法，而能辦一切世間事。不隨世間流，亦不住法流。

譬如日月男子女人舍宅山林河泉等物。於油於水，於身於寶，於明鏡等，清淨物中，而現其影。影與油等。非一非異。非離非合。於川流中，亦不漂度。於池井內，亦不沈沒。雖現其中，無所染着。然諸眾生，知於此處，有是影現。亦知彼處無如是影。遠物近物，雖皆影現。影不隨物而有近遠。

P216 菩薩摩訶薩亦復如是。能知自身，及以他身，一切皆是智之境界。不作二解，謂自他別。而於自國土，於他國土，各各差別，一時普現。

如種子中，無有根芽莖節枝葉，而能生起如是等事。菩薩摩訶薩亦復如是。於無二法中，分別二相。善巧方便，通達無礙。是名菩薩摩訶薩第八如影忍。

P217 菩薩摩訶薩成就此忍。雖不往詣十方國土，而能普現一切佛刹。亦不離此。亦不到彼。如影普現，所行無礙。令諸眾生見差別身，同於世間堅實之相。然此差別，即非差別。別與不別，無所障礙。此菩薩從於如來種性而生。身語及意清淨無礙。故能獲得無邊色相清淨之身。

第九 如化忍

P218 佛子。云何為菩薩摩訶薩如化忍。佛子。此菩薩摩訶薩，知一切世間皆悉如化。

所謂一切眾生意業化，覺想所起故。一切世間諸行化，分別所起故。一切苦樂顛倒化，妄取所起故。一切世間不實法化，言說所現故。一切煩惱分別化，想念所起故。

復有清淨調伏化，無分別所現故。於三世不轉化，無生平等故。菩薩願力化，廣大修行故。如來大悲化，方便示現故。轉法輪方便化，智慧無畏辯才所說故。

P219 菩薩如是了知世間出世間化。現證知。廣大知。無邊知。如事知。自在知。真實知。非

虛妄見所能傾動。隨世所行亦不失壞。

P219 譬如化。不從心起。不從心法起。不從業起。不受果報。非世間生。非世間滅。不可隨逐。不可攬觸。非久住。非須臾住。非行世間。非離世間。不專繫一方。不普屬諸方。非有量。非無量。不厭。不息。非不厭息。非凡。非聖。非染。非淨。非生。非死。非智。非愚。非見。非不見。非依世間。非入法界。非點慧。非遲鈍。非取。非不取。非生死。非涅槃。非有。非無有。

P220 菩薩如是善巧方便，行於世間。修菩薩道。了知世法，分身化往。不著世間。不取自身。於世於身。無所分別。不住世間。不離世間。不住於法。不離於法。以本願故。不棄捨一眾生界。不調伏少眾生界。不分別法，非不分別。知諸法性，無來無去。雖無所有。而滿足佛法。了法如化。非有非無。佛子。菩薩摩訶薩如是安住如化忍時。悉能滿足一切諸佛菩提之道，利益眾生。是名菩薩摩訶薩第九如化忍。

P221 菩薩摩訶薩成就此忍。凡有所作。悉同於化。譬如化土。於一切佛刹，無所依住。於一切世間，無所取著。於一切佛法，不生分別。而趣佛菩提，無有懈倦。修菩薩行，離諸顛倒。雖無有身，而現一切身。雖無所住，而住眾國土。雖無有色，而普現眾色。雖不著實際，而明照法性平等圓滿。

P222 佛子。此菩薩摩訶薩。於一切法，無所依止。名解脫者。一切過失，悉皆捨離。名調伏者。不動不轉，普入一切如來眾會。名神通者。於無生法，已得善巧。名無退者。具一切力，須彌鐵圍不能為障。名無礙者。

第十 如空忍

P223 佛子。云何為菩薩摩訶薩如空忍。

佛子。此菩薩摩訶薩。了一切法界猶如虛空，以無相故。一切世界猶如虛空，以無起故。一切法猶如虛空，以無二故。一切眾生行猶如虛空，無所行故。一切佛猶如虛空，無分別故。一切佛力猶如虛空，無差別故。一切禪定猶如虛空，三際平等故。所說一切法猶如虛空，不可言說故。一切佛身猶如虛空，無著無礙故。菩薩如是以如虛空方便，了一切法皆無所有。

P224 佛子。菩薩摩訶薩以如虛空忍智，了一切法時。得如虛空身，身業。得如虛空語，語業。得如虛空意，意業。譬如虛空，一切法依，不生不沒。菩薩摩訶薩亦復如是。一切法身，不生不沒。譬如虛空，不可破壞。菩薩摩訶薩亦復如是。智慧諸力不可破壞。譬如虛空，一切世間之所依止而無所依。菩薩摩訶薩亦復如是。一切諸法之所依止而無所依。譬如虛空，無生無滅，能持一切世間生滅。菩薩摩訶薩亦復如是。無向無得，能示向得，普使世

間修行清淨。

P224 譬如虛空，無方無隅，而能顯現無邊方隅。菩薩摩訶薩亦復如是。無業無報，而能顯示種種業報。譬如虛空，非行非住，而能示現種種威儀。菩薩摩訶薩亦復如是。非行非住，而能分別一切諸行。

P225 譬如虛空。非色非非色，而能示現種種諸色。菩薩摩訶薩亦復如是。非世間色非出世間色，而能示現一切諸色。譬如虛空。非久非近，而能久住，現一切物。菩薩摩訶薩亦復如是。非久非近，而能久住，顯示菩薩所行諸行。

P226 譬如虛空。非淨非穢，不離淨穢。菩薩摩訶薩亦復如是。非障非無障，不離障無障。譬如虛空。一切世間皆現其前。非現一切世間之前。菩薩摩訶薩亦復如是。一切諸法皆現其前。非現一切諸法之前。譬如虛空。普入一切，而無邊際。菩薩摩訶薩亦復如是。普入諸法，而菩薩心無有邊際。

P227 何以故。菩薩所作如虛空故。調所有修習。所有嚴淨。所有成就。皆悉平等。一體一味一種分量。如虛空清淨徧一切處。如是證知一切諸法。於一切法無有分別。嚴淨一切諸佛國土。圓滿一切無所依身。了一切方，無有迷惑。具一切力，不可摧壞。滿足一切無邊功德。已到一切甚深法處。通達一切波羅蜜道。普坐一切金剛之座。普發一切隨類之音。為一切世間轉於法輪。未曾失時。是名菩薩摩訶薩第十如空忍。

P228 菩薩摩訶薩成就此忍，得無來身，以無去故。得無生身，以無滅故。得無動身，以無壞故。得不實身，離虛妄故。得一相身，以無相故。得無量身，佛力無量故。得平等身，同如相故。得無差別身，等觀三世故。得至一切處身，淨眼等照無障礙故。得離欲際身，知一切法無合散故。

P229 得虛空無邊際身，福德藏無盡如虛空故。得無斷無盡法性平等辯才身，知一切法相唯是一相，無性為性，如虛空故。得無量無礙音聲身，無所障礙如虛空故。得具足一切善巧清淨菩薩行身，於一切處皆無障礙如虛空故。得一切佛法海次第相續身，不可斷絕如虛空故。得一切佛剎中現無量佛剎身，離諸貪著如虛空無邊故。得示現一切自在法無休息身，如虛空大海無邊際故。得一切不可壞堅固勢力身，如虛空任持一切世間故。得諸根明利如金剛堅固不可壞身，如虛空一切劫火不能燒故。得持一切世間力身，智慧力如虛空故。

佛子是名菩薩摩訶薩十種忍。

P230 爾時普賢菩薩摩訶薩，欲重宣其義，而說頌言。

在這個時候，普賢菩薩，想要重新宣說十忍的義理，乃用一百零七首偈頌，來表達其意。前百首偈頌，分為十段，每段有十頌，頌十種忍。後七首偈頌，是結歎。

譬如世有人 聞有寶藏處 以其可得故 心生大歡喜 如是大智慧 菩薩真佛子
 聽聞諸佛法 甚深寂滅相 聞此深法時 其心得安隱 不驚亦不怖 亦不生恐懼
 大士求菩提 聞斯廣大音 心淨能堪忍 於此無疑惑 自念以聞此 甚深微妙法
 當成一切智 人天大導師 菩薩聞此音 其心大歡喜 發生堅固意 願求諸佛法
 以樂菩提故 其心漸調伏 令信益增長 於法無違謗 是故聞此音 其心得堪忍
 安住而不動 修行菩薩行 為求菩提故 專行向彼道 精進無退轉 不捨眾善軛
 以求菩提故 其心無恐懼 聞法增勇猛 供佛令歡喜 如有大福人 獲得真金藏
 隨身所應服 造作莊嚴具 菩薩亦如是 聞此甚深義 思惟增智海 以修隨順法
 法有亦順知 法無亦順知 隨彼法如是 如是知諸法 成就清淨心 明徹大歡喜
 知法從緣起 勇猛勤修習 平等觀諸法 了知其自性 不違佛法藏 普覺一切法
 志樂常堅固 嚴淨佛菩提 不動如須彌 一心求正覺 以發精進意 復修三味道
 無量劫勤行 未曾有退失 菩薩所入法 是佛所行處 於此能了知 其心無厭怠
 如無等所說 平等觀諸法 非不平等忍 能成平等智 隨順佛所說 成就此忍門
 如法而了知 亦不分別法 三十三天中 所有諸天子 共同一器食 所食各不同
 所食種種食 不從十方來 如其所修業 自然咸在器 菩薩亦如是 觀察一切法
 悉從因緣起 無生故無滅 無滅故無盡 無盡故無染 於世變異法 了知無變異
 無異則無處 無處則寂滅 其心無染著 願度諸群生 專念於佛法 未嘗有散動
 而以悲願心 方便行於世 勤求於十力 處世而不住 無去亦無來 方便善說法
 此忍最為上 了法無有盡 入於真法界 實亦無所入 菩薩住此忍 普見諸如來
 同時與授記 斯名受佛職 了達三世法 寂滅清淨相 而能化眾生 置於善道中
 世間種種法 一切皆如幻 若能如是知 其心無所動 諸業從心生 故說心如幻
 若離此分別 普滅諸有趣 譬如工幻師 普現諸色像 徒令眾貪樂 畢竟無所得
 世間亦如是 一切皆如幻 無性亦無生 示現有種種 度脫諸眾生 令知法如幻
 眾生不異幻 了幻無眾生 眾生及國土 三世所有法 如是悉無餘 一切皆如幻

幻作男女形 及象馬牛羊 屋宅池泉類 園林華果等 幻物無知覺 亦無有住處
畢竟寂滅相 但隨分別現 菩薩能如是 普見諸世間 有無一切法 了達悉如幻
眾生及國土 種種業所造 入於如幻際 於彼無依著 如是得善巧 寂滅無戲論
住於無礙地 普現大威力 勇猛諸佛子 隨順入妙法 善觀一切想 纏網於世間
眾想如陽燄 令眾生倒解 菩薩善知想 捨離一切倒 眾生各別異 形類非一種
了達皆是想 一切無真實 十方諸眾生 皆為想所覆 若捨顛倒見 則滅世間想
世間如陽燄 以想有差別 知世住於想 遠離三顛倒 譬如熱時燄 世見調為水
水實無所有 智者不應求 眾生亦復然 世趣皆無有 如燄住於想 無礙心境界
若離於諸想 亦離諸戲論 愚癡著想者 悉令得解脫 遠離憍慢心 除滅世間想
住盡無盡處 是菩薩方便 菩薩了世法 一切皆如夢 非處非無處 體性恒寂滅
諸法無分別 如夢不異心 三世諸世間 一切悉如是 夢體無生滅 亦無有方所
三界悉如是 見者心解脫 夢不在世間 不在非世間 此二不分別 得入於忍地
譬如夢中見 種種諸異相 世間亦如是 與夢無差別 住於夢定者 了世皆如夢
非同非是異 非一非種種 眾生諸剎業 雜染及清淨 如是悉了知 與夢皆平等
菩薩所行行 及以諸大願 明了皆如夢 與世亦無別 了世皆空寂 不壞於世法
譬如夢所見 長短等諸色 是名如夢忍 因此了世法 疾成無礙智 廣度諸群生
修行如是行 出生廣大解 巧知諸法性 於法心無著 一切諸世間 種種諸音聲
非內亦非外 了之悉如響 如聞種種響 心不生分別 菩薩聞音聲 其心亦如是
瞻仰諸如來 及聽說法音 演契經無量 雖聞無所著 如響無來處 所聞聲亦然
而能分別法 與法無乖謬 善了諸音聲 於聲不分別 知聲悉空寂 普出清淨音
了法不在言 善入無言際 而能示言說 如響徧世間 了知言語道 具足音聲分
知聲性空寂 以世言音說 如世所有音 示同分別法 其音悉周徧 開悟諸群生
菩薩獲此忍 淨音化世間 善巧說三世 於世無所著 為欲利世間 專意求菩提
而常入法性 於彼無分別 普觀諸世間 寂滅無體性 而恒為饒益 修行意不動

不住於世間 不離於世間 於世無所依 依處不可得 了知世間性 於性無染著
雖不依世間 化世令超度 世間所有法 悉知其自性 了法無有二 無二亦無著
心不離世間 亦不住世間 非於世間外 修行一切智 譬如水中影 非內亦非外
菩薩求菩提 了世非世間 不於世住出 以世不可說 亦不在內外 如影現世間
入此甚深義 離垢悉明徹 不捨本誓心 普照智慧燈 世間無邊際 智入悉齊等
普化諸群生 令其捨眾著 觀察甚深法 利益群生眾 從此入於智 修行一切道
菩薩觀諸法 諦了悉如化 而行如化行 畢竟永不捨 隨順化自性 修習菩提道
一切法如化 菩薩行亦然 一切諸世間 及以無量業 平等悉如化 畢竟住寂滅
三世所有佛 一切亦如化 本願修諸行 變化成如來 佛以大慈悲 度脫化眾生
度脫亦如化 化力為說法 知世皆如化 不分別世間 化事種種殊 皆由業差別
修習菩提行 莊嚴於化藏 無量善莊嚴 如業作世間 化法離分別 亦不分別法
此二俱寂滅 菩薩行如是 化海了於智 化性印世間 化非生滅法 智慧亦如是
第十忍明觀 眾生及諸法 體性皆寂滅 如空無處所 獲此如空智 永離諸取著
如空無種種 於世無所礙 成就空忍力 如空無有盡 境界如虛空 不作空分別
虛空無體性 亦復非斷滅 亦無種種別 智力亦如是 虛空無初際 亦復無中後
其量不可得 菩薩智亦然 如是觀法性 一切如虛空 無生亦無滅 菩薩之所得
降伏一切魔 皆斯忍方便 世間相差別 皆空無有相 入於無相處 諸相悉平等
唯以一方便 普入眾世間 調知三世法 悉等虛空性 智慧與音聲 及以菩薩身
其性如虛空 一切皆寂滅 如是十種忍 佛子所修行 其心善安住 廣為眾生說
於此善修學 成就廣大力 法力及智力 為菩提方便 通達此忍門 成就無礙智
超過一切眾 轉於無上輪 所修廣大行 其量不可得 調御師智海 乃能分別知
捨我而修行 入於深法性 心常住淨法 以是施群生 眾生及剎塵 尚可知其數
菩薩諸功德 無能度其限 菩薩能成就 如是十種忍 智慧及所行 眾生莫能測。